

Vršitelj dužnosti visokog predstavnika Crishock u posjeti Fojnici



Vršitelj dužnosti visokog predstavnika Louis Crishock sastao se danas u Fojnici sa načelnikom Sabahudinom Klisurom i vijećnikom u Općinskom vijeću Igorom Bošnjakom kako bi razgovarali o ekonomskim potencijalima općine, mogućnostima za privlačenje investicija, te novim perspektivama za održivi ekonomski rast i razvoj. „Građani zaslužuju najbolje moguće prilike da stvaraju porodice u naprednoj sredini koja ima sigurnu i prosperitetnu budućnost. Cilj Fojnice, kao i svake druge općine, trebao bi biti stvaranje uslova koji podstiču ljude da ostanu u mjestima u kojima žive i napreduju, umjesto da odlaze i traže bolje šanse u nekim drugim sredinama“, rekao je vršitelj dužnosti visokog predstavnika Crishock.

Tokom posjete, vršitelj dužnosti visokog predstavnika obišao je i Franjevački samostan Duha Svetoga. U sklopu samostanskog kompleksa nalaze se muzej, arhiv i biblioteka koji čuvaju elemente bogatog kulturno-historijskog naslijeđa Bosne i Hercegovine.

Na kraju obilaska Fojnice, Crishock je posjetio prostorije lokalnog Crvenog križa, gdje se sastao sa mladim volonterima, koji su predstavili svoje ciljeve i aktivnosti koje provode kako bi pružili podršku zajednici u kojoj žive.